## Ўзбекистон Республикаси номидан ХАЛ КИЛУВ КАРОРИ

## Тойлоқ тумани

2025 йил 3 январь

Тайлок туманлараро иктисодий суди, судья Ф.К.Мажидовнинг раислигида, судья ёрдамчиси Н.Абдурахмоновнинг котиблигида, «Жомбой дон махсулотлари» АЖ вакили Х.Садиков (2024 йил 17 декабрдаги 616/12-сонли ишончнома асосида)нинг иштирокида, Ўзбекистон Савдо-саноат палатаси бошқармасининг даъвогар вилоят худудий «Жомбой Самарқанд махсулотлари» АЖ манфаатида, жавобгар «Богбон Фаррух файз» фермер хўжалигидан қарздорликни ундириш тўгрисидаги даъво аризаси бўйича қўзғатилган иқтисодий ишни, Тайлоқ туманлараро иқтисодий суди биносида, очик суд мажлиси мухокамасида кўриб чикиб, куйидагиларни

## аниклади:

Ўзбекистон Савдо-саноат палатаси Самарқанд вилоят худудий бошқармаси (кейинги матнларда Палата) даъвогар «Жомбой дон махсулотлари» АЖ (кейинги матнларда даъвогар) манфаатида, жавобгар «Боғбон Фаррух файз» фермер хўжалиги (кейинги матнларда жавобгар)га нисбатан судга даъво аризаси билан мурожаат қилиб, даъво аризасида даъвогар ва жавобгар ўртасида 2021 йил 1 июнь куни 440-сонли шартнома тузилганлиги, шартномага мувофик жавобгар томонидан шартнома шартлари тўлиқ бажарилмаганлиги ва натижада 8.491.317 сўм қарздор бўлиб қолганлиги баён қилиниб, жавобгардан даъвогар фойдасига 8.491.317 сўм асосий қарзни ундириш сўралган.

Палата даъво аризасини унинг вакили иштирокисиз кўриб чиқишни сўраган.

Суд мухокамасида жавобгар вакили иштирок этмади.

Суд, Ўзбекистон Республикаси Иқтисодий процессуал кодекси (кейинги матнларда ИПК)нинг 170-моддасига асосан, ишни Палата ва жавобгар вакиллари иштирокисиз кўриб чикишни лозим деб топди.

Суд мажлисида иштирок этган даъвогар вакили кўрсатма бериб, даъво аризадаги важларни такрорлаб, даъво талабини кўллаб-қувватлаб, уни тўлик қаноатлантиришни сўради.

Суд, даъвогар вакилининг иш бўйича важларини тинглаб, ишдаги хужжатларга хукукий бахо берган холда, куйидаги асосларга кўра, даъво талабини тўлик каноатлантиришни лозим деб хисоблайди.

Ишдаги ҳужжатлардан ва суд жараёнида аниқланган ҳолатлардан маълум бўлишича, даъвогар ("Тайёрловчи") ва жавобгар ("Хўжалик") ўртасида 2021 йил 6 январь куни бошоқли дон харид қилиш бўйича 440-сонли шартнома тузилган.

Мазкур шартноманинг 1.1.-бандига асосан, "Хўжалик" "Тайёрловчи"га 2021 йил ҳосилидан 4,0 гектар ер майдонидан давлат стандарти бўйича шартноманинг 1.2 ва 1.3-бандларида кўрсатилган 35,0 тонна (буғдой) (кейинги ўринларда Маҳсулот деб юритилади) топшириш, "Тайёрловчи" эса "Хўжалик"ни ушбу шартномада белгиланган миқдорда ва тартибда бошоқли дон уруғлиги билан таъминлаш, етиштирилган маҳсулотни қабул қилиб олиш ва унинг ҳақини тўлаш мажбуриятини олган.

Ушбу шартноманинг 2.2.-бандига асосан "Хўжалик" "Тайёрловчи"га шартномада белгиланган микдорда ва ассортиментда тегишли сифатга эга бўлган Махсулот топшириш мажбуриятини олган.

Даъвогар томонидан шартнома шартлари тўлик бажарилиб, жавобгарга 8.491.317 сўмлик уруғлик буғдой етказиб берилган булса-да, бирок, жавобгар томонидан шартнома шартлари бажарилмаган ва натижада якуний хисоб-китоб бўйича даъвогар олдида 8.491.317 сўм қарздор бўлиб қолган.

Ўзбекистон Республикаси Фукаролик кодекси (бундан буён матнда ФК деб юритилади)нинг 236-моддасига кўра, мажбуриятлар мажбурият шартларига ва қонун хужжатлари талабларига мувофик, бундай шартлар ва талаблар бўлмаганида эса — иш муомаласи одатларига ёки одатда кўйиладиган бошка талабларга мувофик лозим даражада бажарилиши керак.

466-моддасига ФКнинг кишлок хўжалиги кўра, махсулотини етиштирувчи ўстирилган (ишлаб чиқарилган) қишлоқ хўжалиги маҳсулотини тайёрловчига контрактация шартномасида назарда тутилган микдор ассортиментда топшириши шарт.

Жавобгар томонидан шартномавий мажбуриятлари лозим даражада бажарилмаганлиги факти ишдаги мавжуд хужжатлар билан тасдиғини топган. Суд мажлисида даъвогар томонидан талаб қилинган сумманинг хисоб-китоби ўрганилганда, даъвогар томонидан тўгри амалга оширилганлиги аникланди.

Мазкур холатда суд, даъвогарнинг жавобгардан 8.491.317 сўм асосий қарзни ундириш тўгрисидаги даъво талабини асосли деб хисоблаб, уни тўлик қаноатлантиришни, жавобгардан даъвогар фойдасига 8.491.317 сўм асосий қарзни ундиришни лозим деб топди.

ИПКнинг 118-моддаси биринчи қисмига кўра, суд харажатлари ишда иштирок этувчи шахсларнинг қаноатлантирилган даъво талаблари миқдорига мутаносиб равишда уларнинг зиммасига юклатилади.

Бундай холатда суд, жавобгардан даъвогар фойдасига 37.500 сўм почта харажати; Республика бюджетига 375.000 сўм давлат божи ундиришни лозим деб топди.

Юқоридагиларга кўра, ИПКнинг 118, 170, 176-179, 180, 186-моддаларига асосланиб, суд

## карор килди:

Даъвогарнинг даъво талаби тўлик каноатлантирилсин.

«Боғбон Фаррух файз» фермер хўжалигидан:

- «Жомбой дон махсулотлари» АЖ фойдасига 8.491.317 сўм асосий қарз хамда олдиндан тўлаб чикилган 37.500 сўм почта харажати;
  - Республика бюджетига 375.000 сўм давлат божи ундирилсин.

Хал қилув қарори қабул қилинганидан кейин бир ой ўтгач қонуний кучга киради.

Мазкур ҳал қилув қарорида □ □ парафлар шу суд орқали Самарқанд вилоят судининг иқти йича судлов ҳайъатига ҳал қилув қарори ҳабул қилинган кунд ой муддат ичида апелляция шикояти (протести) ёки ҳал ҳил ний кучга кирган кундан эътиборан олти ой ичида кассация по бериши мумкин.